

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件广告宣传页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



W1220/0102

近代中國史料叢刊第八十二輯

沈雲龍主編

抗 兵 集

王蘧常著

文海出版社
有限公司印行

抗兵集序

吾師嘉興王瓊仲教授，文章道德，照耀儒林。東寇之亂，抗節不屈，隱然支柱東南正氣，尤爲士子所歸嚮。明歲政五十，無錫王亢元先生擬校刊其詩文集，用饗多士；然以所積太多，讎梓不易，爰屬丕續，擇其有關寇亂者，得若干篇，詩文各爲一卷，請於師。師取老子語，命曰抗兵集。蓋吾師涕淚民物之志，物具於是。且所作語無苟設，歸於必信，表揚氣節忠義，尤不絕於篇章，可以觀世變，可以作民氣，卽謂爲抗戰史，亦無不可也。後附同門斐爾君所作名人論。孟子曰：「讀其書，不知其人可乎？」爲欲知吾師者，或有助爾。

民國三十七年二月受業吳丕續敬序。

WT 220/0102

抗
兵
集

王
蘧
常
著

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



抗兵集目錄

卷一 詩

聞警

胡烈士歌

題游介園淞滬殉國將士印譜

輓徐冬生孺人

六月一日爲大夏大學創立之十三年詩以頌之

大刀勇士

弔修麟閣趙登禹兩將軍

哀寶山

八百孤軍

聞平型關捷報

郝將軍歌

王將軍挽歌

聞國都西遷

聞故鄉淪陷

讀錢蒙叟集外西湖詩去今三百年矣恍然如見漫題其後

大雷雨如萬馬騰驤復兒嚙哨曰或大軍已入境乎時國軍退數月矣淒然賦此

魯南

小除夕

江頭

二月十六日友人邀飲市樓

望長江

立庵自北至即南行

除夕

庚辰元旦

外灘公園遠望

哭蔡子民年丈元培

聞西來消息

寒燻行

題絹本長江萬里圖

中秋友人自西至話沿江艱險

與兒女圍爐

歸妹

再望長江

讀宋史

酒後與鮑扶九說讖

連日秋霖戰後道路溝洫不修江潮到灌低窪皆成澤國歸車跋涉憮然賦此

題劉誠意伯山水

得桂林石渠書

喜芸圻自北至

民國三十一年夏正歲朝讀東坡次韻王鞏顏復詩收句慨然有感用作起句

見燕樓寓樓

同日得芸圻石渠書明日過中山路賦此

節婦吟

小飲

鷓母

題明無錫嚴君典節士薇香樓圖

小病行藥望雁陔

不寐夜起

深夜不能成寐

錢王

雨後車過梵王渡望大夏大學

月夜江畔

胡敬侃工程師輓詞兼唁粹士博士

題牡丹櫻花合冊

外灘公園小立

與穆如同女獅兒至龍華看桃花

車直奇昂常安步當車

病臂

江頭口號

近事

洛陽將軍行

張自忠將軍挽詞

題歲寒三友圖爲劉震川

徐籙博士挽詞

題稚雞獨立圖

卷二 文

論倭不足畏

變風社詩錄序

嚴幾道先生文稿手迹跋

記馬忠武公大同江之役

甲午死難將士題名記

李世鴻傳

李中介守備傳

朱鐵槍傳

孫鈺傳

寧陵趙君傳

旅順義台傳

二簡傳

滕將軍傳

台山李營長傳

金德海傳

六十七名烈士傳

胡阿毛烈士傳

美利堅蕭德上尉傳

行政院參議陸君墓誌銘

錢步恆秘書傳

許心魯殉難事略

王光遠家傳

海甯吳子醫教授傳

松江吳鏡秋先生家傳

梅縣李君繪川傳

胡伯強家傳代

畢君貞甫傳

先生妣事略

楊大雄烈士殉國碑記代

悉將軍傳

上某先生書

與某君書

與友人書

辭某公書

答某先生書

與緒久書六首

與蘭公書

致吳子馨教授書

與林嶽威書二首

與友人書二首

祭無名英雄墓文

祭范少伯祠文

先師沈子培先生二十周忌告靈文

王一亭先生奉諡祝文

祭陸初覺參議文

附錄 斐爾上海名人論

抗兵集 卷一

嘉興王蓮常著

松江吳丕績編
無錫王亢元刊

聞警 辛未

滿天烽火舞婆娑，換得家山一曲歌。事已難爲陵化谷，棋猶不定鶴爲鵝；書生慷慨空揮涕，朝士從容尙議和，太息遼東歌浪死，那堪盡地到黃河。

胡烈士歌 壬申

胡烈士，頭垂白，日日御車奉母食。一朝海畔胡塵起，劫使沙場載彈藥。彈藥千萬餘，胡曾立交道；烈士色然喜，私計慨一諾。我雖有母，然又有國。國亡母我皆不活，母固可愛國尤甚，寧殺吾身報吾國。國存身雖殺，吾母猶堪託。車擲江濤百丈高，下爲河嶽上日月。

題游介園淞滬殉國將士印譜

日蹙國百里，新亭淚暗吞。願將心化石，一石一忠魂。

輓徐冬生孺人 乙亥

淒絕東坡哭魏城，斷鴻零雁總傷情；不知錦瑟年年淚，可有潺湲到九京？
廿載曾無幾日安，養生送死此心殫；最憐吳越蟲沙夜，烽火彌天守一棺。
男兒敵愾女兒哀，蝦寇無端厭境來；親製吳綿三百褚，一時挾纊徧輪臺。
隔牆分爨衆驚沮，人愛泉刀我愛書；絕似臨安李居士，茶爐相對伴蟬魚。
前塵如夢復如煙，已碎劬心百可憐；留得諸雛頭角在，還將愛日補情天。

六月一日爲大夏大學創立之十三年詩以頌之 丁丑

藍樓開疆薤草萊，萬間廣廈氣佳哉；君看桃李三千樹，辛苦諸賢一一栽。
回腸往事十三年，蛙蛤思明絕可憐；失喜共浮江漢至，彌天烽火啓經筵。

五月榴花映血紅，三間老屋雨隨風；漂搖誰識無家苦，觸死同關射日弓。

南朝弱氣忽焉陳，桃李飄零半作塵；吾道非邪來曠野，歲寒終竟見松筠。

累歲支穿百慮摶，馬前王後兩心殫。謂馬君武王伯聖兩校長。繞枝才有安巢地，勤苦昌黎一覆難。

赤土炎風苦總甘，佛家求化義同參；一車兩馬蕭寥去，萬里投荒我道南。

圍寇曾言山可移，艱難終定百年基；梵王渡畔蕭蕭柳，常護摩雲紀德碑。

一夕家山生劫圖，虛聞紙上策防胡；最憐子弟齊投筆，尙記書空射九烏。

瀟舟夢醒此何年，九世讎難共戴天；人定有時天退聽，河汾莫忘太平篇。王校長有民族復興教育方案期以三年。

鶴鶴雲宮敵畫門，前塵歷歷夢重溫，麗河東畔絃歌地，誰認當年汗血痕。

大刀勇士

勇士者，二十九軍金振中營士兵，陳永德趙金標兩壯士也。蘆溝之役，深夜大雨，仗大刀，襲寇營。寇倉卒不得發鎗礮，斫死九人，竟奪蘆溝橋。營長迎之，呼爲第一英雄。余友楊鏡二子，皆有詩張之，余亦繼作。

雙刀如雪出嚴城，背水奇功一夜成，勝似班生三十六，長橋血徧不聞聲。

弔佟麟閣趙登禹兩將軍

劇憐朝議尙紛靡，事去空聞玉斗撞。如此佳人容可再，誰云國士竟無雙。英雄血盡餘遺墨，魂魄歸應戀舊邦。千載關河東下水，濤聲遠似鼓錚鏘。

哀寶山

寇犯寶山，營長姚子青熙壽與所部六百人，力戰死之，時九月七日也。

東北滿蛇豕，流毒到江涘。寶山扼江口，與滬相首尾。如何肆狂嚼，橫斷吳淞水。桓桓姚城父，孤軍獨排抵。黑雲壓城頭，夜半鼓聲死。傷心六百人，千古土花紫。從此淞滬間，如臂與手指。

八百孤軍

上海國軍西撤後，惟八十八師第五百二十四團團副謝晉元，營長楊瑞符，率所部八百人，苦守閘北四行倉庫不退。屋顛破碎，國徽尙飄揚空際。余隔河載拜，揮淚賦此。飛角長圍勢已成，傷心棋又送殘枰。三軍鼓早聲如死，百戰身猶力似生。要使國家留寸土，不辭血肉葬同坑。淒涼十丈青紅幟，曠照殘陽萬里明。

閘平型關捷報

兄弟本同根，枝枝分一樹。奈何參與商，干戈日抵牾。皇天誘其衷，秦越合肺附，幡然閱藩爭，戮力禦外務。北封一丸泥，突入七竅怒。出地奮驚雷，百里破崖霧。赤雲縣大旗，紫塞回日馭，捷報天外來，喜極淚如注。

郝將軍歌

郝軍長夢麟守晉北南懷化，殲賊甚多，於十月十七日陣亡。臨發，致其家書曰：「沙場爲余歸宿地。」能讎其所言。壯已，悲已，爲揮淚賦此。

纓翰滿野森齒牙，西驅千里骨成麻。管涔盤鬱號山祖，橫截萬蹄空爬沙。山中將軍人中虎，長劍耿耿天倚杵。賊來賊來腥吾刀，甜談斷斷都變鼠。詎知一虎當衆獸，鐵額銅頭困擊鬥。大猛火聚神鬼焦，可憐天險終不守。八千子弟同一烹，將軍雖死猶虎眸。積恨浮天雲不流，積血入地草不生。傳聞將軍初受命，蚤以一身許宗國；有家不歸歸沙場，煌煌大義炳天日。

回頭三晉烽連霄，將軍一去成漂搖；
雄關日照四面開，河上大帥方逍遙。

王將軍挽歌

蜀軍王銘章師長，轉戰濟南滋陽間，屢摧強寇。寇憤，以飛機狂炸，卒殉於滕縣，所部萬餘人，從死者半焉。

守滕北，戰竟南，千里百里安如山。凶鳥徘徊，神驚鬼猜；風雷開闔，城崩池摧。可崩可摧城與池，不可摧者將軍心，不可崩者將軍師。將軍之心有斷頭，將軍之師無屈膝；將軍魂來蜀山青，將軍魂去濟水黑。

聞國都西遷

北望陳雲寒，新亭淚不乾。河山塞醜虜，車馬走高官。國土綠江盡，牙旗照水殘，猶聞新策略，西去戰場寬。

聞故鄉淪陷

六州鑄錯事全非，又報家山劫火飛。如鵲繞枝何處宿，似兒失乳向誰依？夢中燈火人無恙，淚底松楸望總違，二十四時腸百轉，幾回步月幾沾衣？

讀錢蒙叟集外西湖詩，去今三百年矣，恍惚如見，漫題其後。戊寅
共說西湖好，胡姬競鈿車。繁華烽火裏，花鳥劫灰餘。馬矢填魚沼，羊頭曳錦裾，江名

真不負，羅刹滿城居。

大雷雨如萬馬騰驤。復兒嘆惜曰：「或大軍已入境乎？」時國軍退數月矣；淒然賦此。

無端豪雨挾驚雷，夢裏旌旗黯不開。一夜濤聲騰萬馬，癡兒猜擬渡河來。

魯南

捷報初聞涕欲零，魯南重見國徽青。中興有象知天意，一戰成功效地靈，萬馬鞭難斷泚水，三軍血與洗王庭，臨淮同望新旗鼓，要勒燕然第二銘。

小除夕

開歲忽四十，愁顏酒不紅，對人無可說，搔首已成翁。豪氣沈杯底，家山插夢中，幾回向天問，何日九州同？

江頭己卯

江湖春又至，蒲柳去年同。世亂嫌身贅，書空嘆道窮。傷心天水碧用宋史五行志，滿眼夕陽紅，多少滄桑恨，淒涼付晚風。

二月十六日友人邀飲市樓

舉目河山異，驚心春又殘，酒多翻化淚，月好不成歡。戰伐連三載，艱難忍一寒，馮聞

偶西望，尙覺九州寬。

望長江

萬濤無際百靈馳，淘盡英雄總不知。天畫中央競王霸，流分上下限華夷。湘瀏南扼愁胡馬，長沙在湘，鄱鄂西開莫漢基，蜀漢舊江陵爲，全楚之鎖鑰。珍重東流一脈水，來時曾照舊旌旗。

立庵自北至卽南行

前晨簷下噪，昨夜鏡花黃。失喜故人至，握手淚眼眩。如何數年別，鬢短須已長？風塵凋朱顏，刻畫出老蒼。相對如夢寐，欲語翻回遑。前歲遼陽陷，魂魄碎城隍。萬家散血肉，一命縣火湯。晝伏且夜行，十步終一僵。回頭七市灰，白骨千里莽。辛苦聚民膏，一一齎盜糧，脫死還舊京，大帥方筮黃。去年河北亂，變起尤可傷；門蚤與敵共，藩籬撤四方。文武還恬嬉，異夢酣同牀，將軍不負腹，杯酒籌邊防。虛誇十萬劍，未戰已扼吭，可憐帝王都，一夕淪豺狼。從此十六州，蕩蕩無堅墻，淒涼凝碧池，歌舞供淫荒，縹緲與財貨，歸軫連扶桑。食肉肥功狗，高冠飾虎倀；魍魅見白日，狐鼠騰城坊。亦有巢許儔，勁節凌風霜，幡然拜車前，媚骨換倉皇。亦有文章伯，自命頗堂堂，守玄空自苦，美新忽成章。君言才十一，君淚已滿裳，我亦慕上燕，舐米先及糠。禍福原倚伏，慰君還自傷。疆顏出歡笑，把臂傾壺觴。招君已碎魂，續君已斷腸，反君舊時顏，還君舊時狂，酒人有天地，百痛儻一償。廿年

昆弟情，盡此燈燭光。明日各山海，此情不能忘，相期保歲寒，漢運終再昌。

除夕

四十今朝過，醅醪酒暫乾。江湖催白髮，身世誤儒冠。春到培愁長，栝多拓夢寬；明年新甲子，努力且加餐。

庚辰元旦 庚辰

彌天烽火挽桃符，依舊偷生在海隅。愁外忘形到胡越，春來歸夢滿江湖。沈沈鄉訊三年隔，了了家山一髮孤，安得翩然黃鶴去，松楸無恙話菰蘆。

外灘公園遠望

東下旌旗望屢訛，春風又是一年過。國殤血盡朝廷小，上將功成焦土多；花亦有情還蹙淚，江能到海已頽波。馮闌多少哀時意，併入潮聲發浩歌。

哭蔡子民年丈 元培

曠代宗師孰與公，首開風氣掃羣蒙；曾栽桃李徧天下，婁念飢寒到病中。憂國虛傳三戶識，傷心不見九州同。撫棺一慟知何日，南望香山淚不窮。

聞西來消息

近事傳來總可傷，問天無語幾回腸。三年奔走空皮骨，一代江山又靖康。依舊分門騰黨

論，那堪說夢到遼陽；最憐父老淒涼語，目斷東南舊戰場。

棄婦行

夜半悲聲起，悲聲來何方？聽隔有少婦，嗚咽斷人腸。自云良家子，少小知禮防，十五誦詩書，頗識丹與黃。十八嫁君子，翩翩鴛與鴦，自從前年冬，烽火迷遼陽，良人在軍籍，分飛戍邊疆。邊疆千萬里，有夢空相望，身雖心不離，亦能厭糟糠。偶出說紛華，稍稍走街坊，終至比匪傷，陌路遂相將。舊歡淡如水，新歡甘如餠，舊情如秋月，新情如春芳。餠甘有時苦，水淡餘味長；月冷照千里，芳穠難久香；一朝恩寵衰，去去委路旁。飄零人不惜，百死何足償；猶冀未死心，化石與君創。猶冀已斷腸，挽君還故鄉；此身有時盡，此恨終難量。吾聞三歎息，欲慰翻仿偉；悲哉失足恨，千古同一傷。

題絹本長江萬里圖

盛夏如何風蕭蕭，開卷一尺聞波濤。洶洶汨汨浮蛟綃，淋漓遠通赤岸潮。觸手如有風雲交，江神白馬來嫖姚；是何神傑黃山樵。朱印模糊似有王字筆役精靈百怪撓，三古可通六合包，造化雖狡終難逃。我生不辰隋江皋，鐵鎖無靈飛輪輻，馮夷八石空折腰，支祈奮怒作哮咆，懷山襄陵天地搖，千門萬戶隨流漂，臨圖失氣欲長號，兩岸游魂何時招？安得大筆刷腥臊？江山入手還崇朝，萬里波平東坡遙，江頭江尾同道遙。

中秋友

目斷殘旗

與兒女

目倦偶拋

權語曰；閉門無
草願

歸妹

梧妹於

里間名

且牽於

歸妹占成涕淚

獨往，成行子上

再望長江

春草扁舟

盡，長驅會有

讀宋史

好家居竟壞織兒，半壁空存劫後棋。事去相公權作帝，金立張邦昌為楚帝邦昌心不安拜官皆加權字，時來佳士善為

師。高宗稱秦檜為佳士檜主和秦有德無常師主善為師之語。賊何可父甘稱子，南宋以父禮事金，奸不能雄只合雌；西望常山蛇勢在，張浚宣撫川陝

之議未決監登聞檢院江若海曰天下者常山蛇勢也秦蜀為首中原為脊東南為尾今以東南為首安能起天下之脊哉將圖恢復必在川陝浚大悅，有人夢想中興時，此詩之成若有神助極筆直書不易一字前未有也自記。

酒後與鮑扶九鼎說識

風雲慘澹立杯前，相對新亭總惘然，事壞爭傳仇國論，春來還紀漢家年。無聊漫說荒唐餅，有恨同歸混沌天。碧海紅桑看已慣，只愁凡骨未能仙。

連日秋霖，戰後道路溝洫不修，江潮到灌，低窪盡成澤國。歸車跋涉，憮然賦此。

然賦此。

十里繁華繞劫灰，戰後四郊多成焦土惟租界獨全，盛衰推奪潛相催；連樓鐙火嵌空起，環岸江潮穴地來。

人事漸隨陵谷改，天容似為雨風哀，歸輪轉盡霞飛路，依舊歌場處處開。

題劉誠意伯山水

指揮若定策平胡，整頓乾坤寫作圖；綠水白雲題詩有此四字依舊在，江山能似畫時無？

得桂林石渠書

舊夢桂林好，河山天下奇；羨君能坐領，思我怪書遲。于四發書皆未達。一別疑生死，三年隔夏

夷；故人心史在，千里照襟期。

喜芸圻自北至

燕雲北望幾徘徊，失喜今朝脫死來；五載可憐豺虎地，一籌難展棟梁才。支持餘淚看天意，收拾殘魂入酒杯；撥盡爐灰溫舊夢，九龍燈火首重回。

民國三十一年夏正歲朝，讀東坡次韻王鞏顏復詩收句；慨然有感，用作起

句。壬午

回頭四十二年非，檢點餘生事事違。去住兩難憐母在，等閒一飯看人肥。飄蕭鏡裏頭初白，慷慨軍前願已微。西望關山添笑意，長沙昨夜捷書飛。

見燕棲寓樓

自撫儒冠直幾錢，草間偷活總淒然；全家局促分三屋，六載艱辛擔一肩。才盡已無文可賣，春來惟有燕相憐。馮虺似識嗚啾意，同是危巢喘苟延。

同日得芸圻石渠書，明日過中山路。賦此。

迢遞雙魚路八千，燈花挑盡總難眠。夜防空乘燭
帷中讀之天開西北留餘地，地陷東南已不天。望帝

傷心空有淚，渡河猶說在今年，春風依舊中山路，紅徧村花向日妍。

節婦吟 某君書來作此代簡

有女十六餘，皎皎冰雪姿。一朝嫁夫子，夫子出不歸。三年沈消息，六年淚漣漣。鄰媪

前致辭，夫歸不可期，妻殮且不繼，苦守空爾爲？不如嫁富兒，富兒真光輝；居有連雲棟，衣有明月璣；食有五侯鯖，出有四牡駢。鄰媪語未畢，女已淚雙垂；自我嫁夫子，生死誓不携。生作山頭石，死作江頭泥；泥入江頭水，猶得載夫回；悠悠生與死，區區寒與飢。富貴有時盡，此情無盡時；江山有時改，此心不可移。命意似勝張文昌自記。

小飲

年光容易盡，客裏夢鱸莼；髮白秋饒鬢，顏紅酒媚人。半生千劫過，小醉百骸伸；兒女不知恨，鏡前笑語頻。

鸚鵡

侷促雕籠內，何心得意鳴；向誰炫文彩？誤汝是聰明。播弄憎饒舌，逢迎却有情；回看黃鵠舉，浩蕩白鷗盟。

題明無錫嚴君典節士薇香樓圖，爲嚴生古津，生其族孫也。

羸顛劉蹶一樓尊，尚有遺民說寨門，又是危闌風雨裏，河山如夢與招魂。

小病行藥望雁陳

九秋風漸壯，傳恨動離腸；辛苦逃矰繳，飄零誤稻粱。數聲寒可念，一字意偏長；同是天涯客，那堪病裏望！

不寐夜起

獨憊寒檠夜未央，起看斜月色淒涼。訛言信有黃天立，天色微黃焦澤真同衛國量。入冬道殣相望日必數百人

草草江山還說霸，匆匆人物各新妝；愁來翻恨浮生久，立盡更籌望大荒。

深夜不能成寐

百念起參差，欲芟還復滋；鐘驕無月夜，夢澁有愁時。漏轉靜彌厲，鴻噉寒愈悲；聲聲催不寐，併作斷腸詞。

錢王

歲闌，客有談天水舊事者，余舉似隨園錢王英武康王弱，一樣江山兩樣才句，爲慨然者久之。客去賦此。

江山錢王開，鬱氣留餘霸；如何轉世來，頹唐甘鴛下。見朝野雜記然而小朝廷，百年尙足藉；

不知幾春秋，英雄起閭左。保境欲安民，稱臣到帝座；分茅列五等，居然亦王佐。如何破未鳴，棄甲歸田舍；然而楚人弓，雖失未爲過。不知幾歲月，餓生居奇貨；認賊竟作父，拱手但嘯坐。朝拜胡馬廬，莫受胡兒唾；出入猶陽陽，百計嚴督課。民膏千萬多，一一胡馬馱；餓生甘其餘，要腹愁牛駕。覩顏計亦得，敲朴威可假；號令百里間，云亦足自大。草草稱南面，坐看家山破；浙臉尙何在？浙臉見朝野雜記團團任唉罵；四山失蒼翠，一年無春夏。傷哉佳麗

地，狼藉腥羶滿，錢王應有靈，江聲咽日夜。

兩後車過梵王渡望大夏大學 癸未

渡口偶流連，偷生又一年；亂雲依夕照，樂歲斷虛烟。連歲豐登而道瘠相違。籬密人爲狗郊外多編籬斷路名曰清鄉封

鐵結者文，水高魚暫仙；如何舊遊地，華屋已犁田？濁而行

月夜江畔

春到江南不忍看，偶隨明月一馮闌。無多骨肉分三地大兄在杭州六姪在永嘉，轉盡肝腸總兩難；滿眼滄桑添涕淚，幾時父老見衣冠；潮聲似解愁人意，故引愁心出海寬。

胡敬佩工程師輓詞兼唁粹士博士

翩然何日望歸難，思子亭成不忍看。如此殘山埋駿骨，幾多老淚酬春寒。誰同秦繆施醇酒，竟似文成誤馬肝。傳言久飢食馬肉不起；腸斷恆河無量水殺於甲度新背，年年常與咽悲酸。

蚤聞奇譽化鵬鯤，絕域歸來策萬言。千里委輸同軌轍，一生肝腦盡丘樊。君主築路工程。最憐

老父孤兒夢有一子，誰筮蠻煙瘴雨魂？他日中興青史在，褒忠應作國殤論。

題牡丹櫻花合冊爲嚴子振緒

一枝寫出露華灑，占盡春光九十長；底事櫻花半零落，還爭北勝與南強？

外灘公園小立

小立夕陽紅，浮生類轉蓬。十年江海上，八口亂離中。骨肉成星散

大兄浙西六姪浙東三姪女
蘇南梧妹昆明獨大姪女留

禾中星散五地
數歲不相見

，音書望雁通。昆明書信
尤不易達，還將兩行淚，寄向水西東。

與穆如同女獅兒至龍華看桃花

消搖偶現自繇身，統道還虞醉尉瞋。中途設卡須
繞道而行。寺古猶留明代佛，花開不是漢家春。表忠

塔壞神應在，軍使營荒跡已陳。左近有陳亡將士
塔及前護軍使署，步輓歸來携稚子，一車載得百愁新。

車直奇昂常安步當車

一里車行直萬錢。步輓實直至少三四餅合錢萬餘即公車亦須一二
餅不等每日往返非十萬錢不可以觀世變矣，甌生泥土走堪憐。肩壓穀擊人爭

道。事變後滬上人口突增至四百餘
萬離離道寬廣常至屏廢駁駁，忽悟書家筆陳妍。

病臂

如何一病筆無魂，空有龍蛇腕底奔。樹已半枯心未死，身原可廢舌猶存。只愁鑿齒遠名
累，得似王融悟道尊；天為勞生姑佚我，縱然相厄亦堪恩。

汀頭口號

黃浦江頭日幾周。余至商行必繞
道至江頭小立，洗愁難盡反生愁；怪他只與潮升降，不解西流但下流。

近事 甲申

近事何堪說，媮生種種非，如蠅薨黑市。防物踊則買有限買
終不可限乃有黑市，引蔓捕藍衣。藍衣黨主謝好賊往往
相幫伯有引蔓不止。日

入孤篝火防空入夜必篝火，年豐民苦飢案口給米月才一升；不知在人世，西望淚頻揮。

洛陽將軍行

李其相軍長謀家鉅，成紀人。鎮洛陽，屢挫凶鋒，以臨敵中彈陳亡，歸元面如生。

一自鬼門縱豺虎，狂齧神州少完土；白骨成邱血成潭，天塹穽與隄若腐。屹屹洛陽天下中，獨有劍氣貫長虹；豺虎蹈背快一嘔，將軍回戈散如蓬。它它藉藉三百里，直潰新安喪首尾；如何臨敵風雨快，一彈竟糜將軍體？長城既壞中原搖，餘威尙在敵不驕；不見天府牡鑄飛，鄜洛無聲風蕭蕭。

張自忠將軍挽辭

坡下雞鳴已十圍，三軍俱墨淚空揮。驅車虎口完忠孝北事既壞將軍變服輓車穿城地數百里始與大軍會慨然曰余不能負生等家國；

革沙場定是非初國人頗有致疑於將軍者及殉國大義始白於天下。雖死應留聲響在，餘威遠使海濤飛；精魂繞向團河畔團

爲修趙殉國處，一樣丹心照落輝將軍與修趙同守南苑。

題歲寒三友圖爲劉震川

波光畫出古衣冠，引得松濤十畝寬。數點生機春有託，幾竿勁氣節能完；亦知天遣終來復，各抱冬心耐歲寒；寄語南陽劉子驥，避秦好作武陵看。

徐籙博士輓辭 乙酉

深。

五年橫舍裏聯吟

同事之江大學來復有所謂靈修之會者每與聯坐

，偶語時時見素心；今日黃公墟畔過，山河綿邈淚痕

絕學商高舊擅場，精思歷數合微茫；如何息壤言猶在，不待黃龍酒一觴？

危苦時還策太平，圍城玉貌氣縱橫；彌天孤憤埋何地，異日三呼儻有聲。

平生心事在傳經，忍死須臾愧獨醒；神理綿綿應不盡，精魂常繞蜀山青。

題雄雞獨立圖

讖言年月值酉，東寇當走，果於今歲乙酉八月請降。我受降則九月，正夏正八月也。

酉於十二屬爲雞，嚴子振緒工繪事，於是月酉日酉時，以雞類作雄雞獨立圖兩幀，一

以貽余。爲之樂而起舞，各繫以詩：

獨立蒼茫何所之

雞鳴曲有何所之云云

，雄冠佩劍擬神姿；長鳴風雨天終曉，莫忘聞聲起舞時。

抗兵集 卷二

嘉興王蓮常著

松江吳丕續編
無錫王亢元刊

論倭不足畏 見民國二十一年八月二十六日申報

倭寇深入，已十有一月於茲矣。謀國者徒愴於其往日之梟悍，終不敢言戰。不曰旬日足以盡吾國，即曰曾不能一日守，一唱百和，牢不可破。即有一二忠勇之士，激於義憤而奮起，雖若深喜之，實則深懼之也，故終首施於和戰。今倭已侵熱河關平津矣，政府雖有合力禦務之言，我懼其或仍忱其梟悍而因循坐誤也。爰徵往事而正告之曰：款言不聽，奸乃不生，黑白乃明，在所欲用耳。何事不成，倭又奚足畏也。甲午之役，大同江之戰，馬忠武以千數百之罷卒，當倭二萬餘之頑衆，且又因於重圍之中，其勢懸絕，而馬軍終貫圍而出，斬獲過當，而葉志超仁川之戰，亦以羸卒二千，突圍歸平壤。倭固善戰乎？吾固不能戰乎？此其一。平壤之戰，吾軍以萬五千人輜強寇，而可戰者實只八千，且將怯卒情，地廣力分，號令復不統一，倭以五倍之衆攻之，宜若不能須臾守矣，然猶激戰五日，僅乃克之，倭固善攻乎？此其二。俄之敗也，俄實自敗，非倭之能勝也。未戰故已百孔千瘡，且孤軍遠門，師勞

力竭，識者蚤決其無勝理，然倭猶婁淖於險，傷亡至數十萬人，乃木大會至愧欲自裁，參謀長兒玉源太郎，亦惶急日禱於東方，可以知其力瘁而知索矣，此其三。然此猶前日事也，或以爲不可語於今日。民國十七年濟南之役，吾軍城守者廬五百人，倭倍攻而終不獲逞，其後我軍以奉命撤防，潰圍出，倭幾大敗。其國大阪朝日新聞報，暴其狼狽情形，參謀長黑田周六見之，大慚憤，斥其不愛國此據龔君德柏言。亦足見其軍之無用矣，此其四。至淞滬之戰，倭傾國之半，以當一隅，竟四易其渠率，此尤彰彰在人耳目，有不必言者矣。倭爲徵兵制，卒伍率中產，且又習於逸樂；別家室，則牽裾而涕泣；祝平安，則乞靈於神祇；已非復昔日祈戰死之雄風，故能勝而不能敗，敗卽相率逃亡。東北及淞滬之戰，皆可考而知者也，此其五。且倭自勝俄以後，未遇大敵，中將以下，徒侈紙上之兵，未嘗習於戰陣，且中於暮氣，流於淫佚，每遇出兵，率挾藝妓以行；貪黷好貨，剽掠成性，東北所過，廬舍爲墟，師出以律，倭固有律乎？此其六。徵諸昔則如彼，考諸近則如此；夫不能戰，不能攻，而又不能出之以律，徒恃其利器驕氣，以圖一逞，此奚足畏乎？玄駒之有長也，魁其壞穴，而赤虬飛豎之闕其門者，必部其族以噬殺之。終遠於埳，無相於離，則役衆蠢者，必有以護之也。今關門者迫矣，不能爲玄駒之噬敵，而欲衆之護於壞穴，其可得乎？嗚乎！可以人而不如玄駒乎？况又不足數者乎？